

**ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИННИГ
ҚАРОРИ
16.10.2006 й.
N 215**

**Ҳужжатнинг рус тилидаги
матнига қаранг**

**УСТАВ ФОНДИДА ДАВЛАТ УЛУШИ
БҮЛГАН КОРХОНАЛАРНИНГ САМАРАЛИ
БОШҚАРИЛИШИНИ ВА ДАВЛАТ МУЛКИННИГ
ЗАРУР ДАРАЖАДА ҲИСОБГА ОЛИНИШИНИ
ТАЪМИНЛАШ ЧОРА-ТАДБИРЛАРИ ТҮҒРИСИДА**

Ўзбекистон Республикаси Президентининг "Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар түғрисида" 2006 йил 26 апрелдаги ПҚ-335-сон ва "Қимматли қоғозлар бозорини янада ривожлантириш чора-тадбирлари түғрисида" 2006 йил 27 сентябрдаги ПҚ-475-сон қарорларига мувофиқ, шунингдек давлат мулкидан фойдаланиш самарадорлигини ошириш, инвестицияларни жалб этиш учун шарт-шароитлар яратиш мақсадида Вазирлар Маҳкамаси ҚАРОР ҚИЛАДИ:

1. Қуийдагилар:

Давлат корхоналари түғрисидаги Низом 1-иловага мувофиқ;

Корхоналардаги ички аудит хизмати түғрисидаги Низом 2-иловага мувофиқ;

Акциялар (улушлар) давлат пакетларини ишончли бошқарувга бериш тартиби түғрисидаги Низом 3-иловага мувофиқ тасдиқласин.

2. Ўзбекистон Республикаси Давлат мулки қўмитаси:

икки ой муддатда Давлат мулки қўмитаси ҳузуридаги Республика бизнес-мактабида корхоналарнинг стратегик режалаштириш, молия менежменти, сотиш бозорини сегментлаштириш масалалари ва бошقا йўналишлар бўйича ўрта ва юқори бўғин менежерларини, шунингдек корхоналарнинг ички аудити хизматлари ходимларини тайёрлаш бўйича ўқув-амалий дастурни жорий этсин;

икки ой муддатда Ўзбекистон Республикаси Давлат корхоналари ва муассасаларини ҳисобга олиш ва уларнинг реестрини юритиш түғрисидаги низомни ишлаб чиқсин ва белгиланган тартибда тасдиқласин.

3. Ўзбекистон Республикаси Давлат мулки қўмитаси манфаатдор вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргалиқда ушбу қарорнинг асосий қоидалари бўйича кенг тушунтириш ишларини ташкил қиласин.

4. Ўзбекистон Республикаси Ҳукуматининг 4-иловага мувофиқ айрим



қарорлари ўз кучини йўқотган деб ҳисоблансин.

5. Вазирлар Маҳкамасининг "Хусусийлаштирилган корхоналарни корпоратив бошқаришни такомиллаштириш чора-тадбирлари тўғрисида" 2003 йил 19 апрелдаги 189-сон қарорига (Ўзбекистон Республикаси ҚТ, 2003 й., 4-сон, 32-модда) 5-иловага мувофиқ ўзгартиришлар киритилсин.

6. Вазирликлар ва идоралар бир ой муддатда ўз норматив ҳужжатларини ушбу қарорга мувофиқлаштирсинглар.

7. Мазкур қарорнинг бажарилишини назорат қилиш Ўзбекистон Республикаси Баш вазирининг ўринбосари Р.С.Азимов зиммасига юклансин.

Ўзбекистон Республикасининг Баш вазири

Ш.Мирзиёев

Вазирлар Маҳкамасининг
2006 йил 16 октябрдаги
215-сон қарорига
4-ИЛОВА

**Ўзбекистон Республикаси Ҳукуматининг
ўз кучини йўқотган қарорлари
РЎЙХАТИ**

1. Вазирлар Маҳкамасининг "Акциядорлик жамиятларини бошқариш тизимини такомиллаштиришга доир чора-тадбирлар тўғрисида" 1998 йил 22 августдаги 361-сон қарори (Ўзбекистон Республикаси ҚТ, 1998 й., 8-сон, 31-модда) 1-бандининг тўртинчи хат боши, шунингдек қарорга 5-илова.

2. Вазирлар Маҳкамасининг "1999-2000 йилларда хусусийлаштиришни чуқурлаштириш ва давлат мулкини сотишдан давлат бюджетига маблағлар тушишини кўпайтириш чора-тадбирлари тўғрисида" 1998 йил 17 декабрдаги 525-сон қарорига 8-илова 8-бандининг "г" кичик банди.

3. Вазирлар Маҳкамасининг "Ўзбекистон Республикаси Меҳнат ва аҳолини ижтимоий муҳофаза қилиш вазирлиги ҳамда Ташқи меҳнат миграцияси масалалари агентлиги тўғрисидаги низомларни тасдиқлаш ҳақида" 2001 йил 6 апрелдаги 162-сон қарорига (Ўзбекистон Республикаси ҚТ, 2001 й., 4-сон, 21-модда) 3-илованинг 25-банди.

4. Вазирлар Маҳкамасининг "2003-2004 йилларда корхоналарни давлат тасарруфидан чиқариш ва хусусийлаштириш дастури тўғрисида" 2003 йил 17 апрелдаги 185-сон қарорига (Ўзбекистон Республикаси ҚТ, 2003 й., 4-сон, 30-модда) 6-илова II бўлимининг 8-банди.

5. Вазирлар Маҳкамасининг "Хусусийлаштирилган корхоналарни корпоратив бошқаришни такомиллаштириш чора-тадбирлари тўғрисида" 2003 йил 19 апрелдаги 189-сон қарорига (Ўзбекистон Республикаси ҚТ, 2003 й., 4-



сон, 32-модда) 5-илова 3-бандининг "е" кичик банди.

6. Вазирлар Маҳкамасининг "Акциядорлик бирлашмалари ва компанияларидағи акциялар давлат улушидан самарали фойдаланилиши устидан мониторинг олиб бориш комиссияси фаолиятини ташкил этиш тўғрисида" 2004 йил 25 июнданги 295-сон қарорига (Ўзбекистон Республикаси ҚТ, 2004 й., 6-сон, 61-модда) 3-илованинг 1-банди.

Вазирлар Маҳкамасининг
2006 йил 16 октябрдаги
215-сон қарорига
5-ИЛОВА

**Вазирлар Маҳкамасининг "Хусусийлаштирилган
корхоналарни корпоратив бошқаришни
такомиллаштириш чора-тадбирлари тўғрисида"
2003 йил 19 апрелдаги 189-сон Қарорига киритилаётган
ЎЗГАРТИРИШЛАР**

1. 2-иловада:

а) илова номидаги ва 2-банддаги "акциядорлик" сўзи "хўжалик" сўзи билан алмаштирилсин;

б) 3-банд қуийдаги таҳрирда баён қилинсин:

"3. Давлатнинг ишончли вакили акциядорлар (муассислар, иштирокчилар) умумий йифилишида давлатнинг ишончли вакили ҳисобланади, акцияларнинг давлат пакети (улуси) миқдорида бериладиган ҳуқуқлар доирасида фаолият кўрсатади";

в) 5-банд қуийдаги таҳрирда баён қилинсин:

"5. Давлатнинг ишончли вакиллари номзодлари бўйича таклифлар Ўзбекистон Республикаси Вазирлар Маҳкамасининг тегишли Комплекслари билан келишган ҳолда давлат мулки қўмитаси томонидан киритилади.

Бунда давлатнинг ишончли вакиллари номзодлари етарли даражада иқтисодий билимларга, раҳбарлик ишида ишлаш амалиётига эга бўлган ҳамда тайинлаш ва кўрсатиб ўтилган функцияларни бажариш пайтида таркибида хўжалик жамияти кирадиган компаниялар, корпорациялар, уюшмалар ходимлари бўлмаган жисмоний шахслар, шунингдек профессионал бошқарувчи компаниялар юридик шахслар орасидан танлаб олинади. Номзодларни танлаб олишда корпоратив бошқарув ҳамда қимматбаҳо қоғозлар бозори соҳасида қўшимча маълумотга эга бўлган шахсларга устунлик берилади.

Якка ижро этувчи орган функциясини бажарган ёки кўрсатиб ўтилган юридик шахс банкрот деб эътироф этилган вақтда юридик шахснинг ижро этувчи органи ҳайъати таркибида кирган шахслар давлатнинг ишончли вакили этиб тайинланиши мумкин эмас";

г) 6-банднинг биринчи хат боши қуийдаги таҳрирда баён қилинсин:

"Ўзбекистон Республикаси Давлат мулки қўмитаси тайинланган давлат ишончли вакили билан акцияларнинг давлат пакетини (улушини) бошқариш юзасидан тегишли шартнома тузади";

д) 7-бандда:



иккинчи хат боши қуидаги таҳрирда баён қилинсин:

"акциядор (муассис, иштирокчи) сифатида давлат манфаатларини ҳимоя қилиш, хўжалик жамиятидаги мол-мulkning сақланишини ва ундан оқилона фойдаланилишини таъминлаш";

бешинчи хат боши қуидаги таҳрирда баён қилинсин:

"акцияларнинг давлат пакети (улуси) бўйича дивидендердан хўжалик жамиятини реконструкция қилишда ва техника билан қайта жиҳозлаш учун мақсадли фойдаланилишини таъминлаш";

е) 8-бандда:

иккинчи хат боши қуидаги таҳрирда баён қилинсин:

"жамиятнинг устави ва амалдаги қонун ҳужжатларида белгиланган тартибда акцияларнинг давлат пакети (улуси) миқдорига мувофиқ акциядор (муассис, иштирокчи) сифатида ўзининг барча ваколатларидан фойдаланиш";

учинчи хат бошидаги "акциядорлик" сўзи "хўжалик" сўзи билан алмаштирилсин;

ж) 9-банд қуидаги таҳрирда баён қилинсин:

"9. Давлатнинг ишончли вакили хўжалик жамиятини бошқаришнинг ижро этувчи органлари томонидан амалга ошириладиган жорий ишлаб чиқариш фаолиятига араласиши ҳуқуқига эга эмас, уларнинг хатти-ҳаракати қонун ҳужжатларининг бузилишига ва хўжалик жамиятига ҳамда давлатга зарар етказилишига олиб келадиган ҳоллар бундан мустасно";

з) 10-бандда:

иккинчи ва учинчи хат боши қуидаги таҳрирда баён қилинсин:

"акцияларнинг давлат пакети (улуси) билан бериладиган ваколатларга мувофиқ ушбу Низомнинг 7-бандида кўрсатилган ўз вазифаларининг бажарилишини таъминлаш;

Ўзбекистон Республикаси Давлат мулки қўумитасини ўз фаолияти натижалари ва хўжалик жамиятининг молия-хўжалик аҳволи тўғрисида хабардор қилиш";

еттинчи хат боши қуидаги таҳрирда баён қилинсин:

"хўжалик жамиятининг бюджетга мажбурий тўловлар, давлат мақсадли жамғармаларига, иш ҳақи бўйича қарзи вужудга келган тақдирда, шунингдек корхонанинг ишлаб чиқариш ва молиявий аҳволи ёмонлашганда жамиятнинг Кузатувчи кенгashi таркибини ва ижро этувчи органини қайta сайлаш мақсадида акциядорларнинг (муассисларнинг, иштирокчиларнинг) навбатдан ташқари умумий йигилиши чақирилишини талаб қилиш";

к) 11-банд қуидаги таҳрирда баён қилинсин:

"11. Давлатнинг ишончли вакили тегишли равишда Акциядорлик бирлашмалари ва компанияларидағи акциялар давлат улусидан самарали фойдаланилиши устидан мониторинг олиб бориш комиссияси ёки Ўзбекистон Республикаси Давлат мулки қўумитаси билан келишувсиз хўжалик жамиятининг бошқарув органларида бошқа акциядорларнинг (муассисларнинг, иштирокчиларнинг) вакили бўлиши мумкин эмас";

л) 12-банддаги "акциядорлик" сўзи "хўжалик" сўзи билан алмаштирилсин.

2. 3-илова 9-бандининг ўн иккинчи хат боши чиқариб ташлансин.

"Ўзбекистон Республикаси қонун ҳужжатлари тўплами", 2006 йил, 42-сон, 417-модда.